

袁州府知府陳廷枚重輯

藝文

雜著 告文 青詞 啟

祈雨告城隍文

唐 韓愈

維年月日袁州刺史韓愈謹告於城隍神之靈刺史無治
行無以媚於神祇天降之罰以久不雨苗且盡死刺史雖
得罪百姓何辜宜降疾咎於某身無令鰥寡蒙茲濫罰謹
告

祈雨告仰山文

韓愈

袁州府志 卷三十四

藝文 告文

維年月日袁州刺史韓愈謹以少牢之奠祭於仰山之神
曰神之所依者惟人人之所事者惟神今既大旱嘉穀將
盡人將無以為命神亦將無所降依不敢以不告若守有
罪宜被疾殃于其身百姓可哀宜蒙恩憫以時賜雨使獲
承祭不怠神亦永有飲食

謝雨文

韓愈

謹告曰田穀將死而神膏澤之百姓無所告而神恤之刺
史有罪而神釋之敢不有薦也尚饗

初謁仰山廟文

宋 祖無擇

大江之西袁實小邦於京師為遠地近世守茲土者多不

選任重人而不材與有罪爲時棄逐方至焉無擇不幸既
不材且有罪其小邦遠地固所宜處既至州三日與吏民
相見矣然念雖小人不可不務爲君子既務爲君子則不
以進退遠邇易其慮竊惟幽明之際神人相依人克事神
以誠神實祐人以福苟無擇政有繆鑿弗協於極以傷于
和神其降罰于無擇之身罔敢怨尤無作水旱疫癘菑害
百姓尚饗

仰山正祠禱雨文

滕強恕

某蒙恩守袁已踰兩載無歲不熟竄惟神庥今茲被命將
漕本路所統十有一州五十六縣之人厥任尤重方將邀

袁州府志

卷三十四

藝文

告文

二

福於神以其所庥庇袁人者推之一道百城之廣入秋以
來雨澤久闕袁之民方蹙額請命之不暇十州之人將何
望焉神豈不愛斯人將毋乃爲政者勤始怠終刑政有不
得其公賦役有不得其平冤抑有不得其伸者歟彼民何
罪宜降以澤使得粒食矧入秋叙五旬於茲早稼登塲所
收既薄晚禾棲畝行盡稿死神宜赦吏之愆恤民之苦呼
吸雷電降霈甘雨豐凶之期決在信宿儻或後時嗟何及
矣是用躬詣祠下請命於神仍俯伏以待神之賜神其亟
賜昭荅俾民得樂生吏可逃責豈惟袁人世世永有依怙
將一道百城之人罔不咸賴

祭仰山文

劉克莊

少讀韓集知神功惠自唐至今又數百歲神於袁人眷顧罔替袁人於神飲食必祭某剖符入境靈瑣首詣時方艱虞兵寡民疲眇然長慮何以爲計惟神洋洋左右上帝永相此方捍災被盭民各樂生吏亦免戾神不我吐歆此醴幣

謁二王廟文

李景夏 知州

惟神發跡顯靈肇於漢代功德昭著紀於唐朝累朝褒榮貴極王爵宜春之民事神如父而神之於民愛之如子凡水旱札瘥之災祈之無不弭息嗚乎盛哉仰山既爲一州袁州府志 卷三十四 藝文 告文 三 之鎮而神實斯民之所嚮嚮也某被命郡符假守茲土視事伊始伏謁靈祠進瞻廟貌清酌藻饌齋心潔形庶幾感格惟神聰明正直願垂降鑒雨澤無愆疫癘不作歲以有年人不失職是惟神之賜也

謝雨文

李 詵 知州

郡處僻隅溪淺土燥雨暘稍愆水旱立至矧苗方徙植而舟運欲行失時不雨吏民惶惑比者奔告祠庭甘澤下沛如鼓應枹王之惠民而憫吏亦至矣丕昭靈貺敢或不虔然吏民拳拳猶不能無厚望者以農疇未極霑足而舟人未可順流而東也惟王其終賜之

祈雨感應送神文

韓

儼

宜春知縣

神之來兮衆祗祗兮神之歸兮衆依依兮伐鼓鳴鐃揚旂
旗兮還登遊廟臺巍巍兮永惠我民毋或違兮黍稷稻粱
卒歲以嬉酌酒奉盛戴德無期

勸農文

鄭自誠

知府

太守蒞政今已踰年知此邦田少山多人有餘力蓋無不
耕之地風俗勤儉他無營生亦少末作之民聖天子加惠
又無煩役苛政以妨奪之宜其悉力田畝固無待於勸也
然今衣食粗給有可以爲仰事父母俯畜妻子之具而人
倫不明禮義不興則雖有粟或不得而食有衣或不得而

袁州府志

卷三十四

藝文

告文

四

衣爾民好訟成風累月彌年困苦不悔至兄弟宗族之間
交相傾陷亦習爲常太守每爲痛心詳諭曲譬力懲深抑
幸少衰止慮爾善心未固舊習猶存今屬爾耆老相與來
前其聽吾語蓋人之所以異於禽獸而得以相安相養者
以能盡人倫蹈禮義而已矣故爲父慈而義然後家道正
爲子孝而敬然後子職修兄念鞠子必友於弟弟念天顯
必恭厥兄夫婦有別以正始也宗族有恩以厚本也其交
親戚則有無相通患難相恤其處鄉黨則出入相友疾病
相扶持毋以卑抗尊毋以疆凌弱毋見利忘義毋好勇鬪
狠耕者遜畔行者遜路如此則禮義俗成乖爭風熄吾民

何憚而不為此且有司每有刑獄或因斗粟或爭粒豆或
一語不酬致隔刑戮又鄰郡一大姓宗族交訟坐此
獄幾年近上司移鞠他郡罪釁交發遂至於毀身破家父
子兄弟夫妻骨肉卒皆離散可不戒哉願爾父老告而子
弟效慕古風相誘相訓鑒觀近事以戒以懼禮遜輯睦皆
為士君子之行則終身可不至官府太守亦得省刑寡事
上下共成美俗顧不休哉

祭韓文公文

劉克莊

嗚乎先生立身之名節垂世之文章史臣比之山斗不可
學也至於出牧潮袁二州之人皆奉嘗之至今則某願師
袁州府志 卷三十四 藝文 告文 五
法其萬一焉祇事之初敢告

告韓文公文

葛謙白 知州

公以勁節忠操為唐名臣由刑部侍郎貶潮移袁祭神之
章告至之表載在方冊讀者悚然頃者備數貳卿以罪去
國天子不終棄俾守茲土視印之始其敢不拱拜祠下

名宦鄉賢祠祝文

明 失名

惟諸先生或官於袁而為名宦或生於袁而為名賢垂範
於今作則於前姓名聞望昭布於耳目而功德行義流芳
於簡編顧典型之不泯實名教之所先用是循名責實論
世考言列之一堂祀之几筵將鑒格乎冥漠而式訓于千

百年

禱雨告二王文

錢文薦 宜春知縣

嶽之為尊以興雲雨潤我田疇膏茲黍稌何况於神端然
黻黼此鄉黎庶奉之如祖使其無靈安用廟宇迺今告旱
計旬有五汙邪圻裂勿論甌窶田禾枯隳異草莽何辜
斯人獨罹此苦自我雩禱敢辭步武既叩其潭亦謁其麻
爰斟靈液徧灑法部仍令淄黃按方而舞或揚之幡或伐
之鼓尺在所望孰不偃僂曾是乞神神功未普籲呼莫聞
匍匐弗覩使我惶惑竟成憂恤眉感千錐曾攢萬弩使有
明德神其我吐閉門而思過難縷教民則何咎咎在民父

袁州府志 卷三十四

藝文 告文

六

倘降酷罰願以身取積薪待焚竊傳之古此身豈惜但恐
無補凡人之情誰無鄉土神實怒視民又何怖如擱微誠
冀弗終拒速賜甘澤聊救焦釜沆可小收亦神之祐

祭盧學士文

黃鳴喬

維公魁名赫奕著作輝煌教歷中外克殫忠良貞傳介石
品婉贊皇相門避跡耿節彌彰海潮挾秘洲渚貽光某等
承乏郡守山斗宮墻際茲 春仲特薦椒觴

驅虎文

陳 璨 萬載知縣

茲聞潮陽鱷為患昌黎來而南徙九江虎為災宋均至而
東渡陽雖刺史之德而陰實城隍之功璨奉朝廷牧民之

寄神膺國家顯佑之封猛虎在縣東十里許傷人非惟臻
之德不足以格猛獸抑且神之靈不足以庇生民陰陽之
職皆不稱矣今者謁神特與神議或用神兵而驅之或用
獵戶而捕之神其有靈願賜昭報謹告

祭袁高士文

黃鳴喬

惟公袁山鍾秀抱穎含英志篤高尚屢聘不行高南州之
節堅夏甫之貞道德文章經世清風勁節垂名魂杳在天
百代猶存今茲仲春薄奠微忱伏冀來歆

祭李衛公文

黃鳴喬

恭惟我公迥出人群道高今古勲茂化成凜凜英鋒借春

袁州府志

卷三十四

藝文

告文

七

臺而並峙汪汪襟度與秀水以同清威政宏敷於袁郡相
業懋著於朝廷榮封衛國萬古垂名今茲仲春敬以奠陳
奠其來格來歆

祭黃太常文

嚴鳳

分宜知縣

惟公學冠禮闈位正清卿堂堂大節凜凜如生忠義之府
綱常之程公論久定祀典攸行茲惟仲春式薦粢盛象靈
附食追體至情神其降鑒用副微誠

副祭文

嚴鳳

告爾衆靈列於東者黃姓鬼神四十六名列於西者黃氏
異姓鬼神五十四名吾聞有一邑者一邑之主鬼神攸屬

汝等既同於太常之難享太常之食例收邑屬憐汝幽爽
祠有常祀汝其來饗

祭黃太常祖墳文

黃鳴喬

維公慶源克濬篤生太常一朝勁節萬古人綱莫為鍾毓
忠烈曷彰巍然先壟久而彌芳某等景仰前哲肅薦蘋香
綠忠廣孝用報發祥山靈可護永世垂光

禱雨告仰山文

朱茂暲宜春知縣

維天生民俾服厥土神實所司職同甘苦十雨五風聿惟
上古人生其間熙然含鼓降自雲漢饑饉薦臻周宣修德
舉祀百神神或鑒只罔有怒嗔穀我士女解澤惟均迺若

袁州府志

卷三十四

藝文 告文

八

今茲國家多事賦役頻增兵荒交至况在袁江夙稱難治
催科孔艱孰循撫字嗟我黎庶割肉補瘡有司復急不死
則忘庶幾大有或厭糟糠胡丁百六降此禍殃旱魃為災
密雲不雨田坵龜文民游魚釜彼則何辜責在官府豈敢
暴巫益我罪罟而徵神貺肅拜行祠鞭雷掣電風雨以時
國儲民命不斷如絲守令不德神寧殛之

袁州祈雨青詞

劉克莊

窮則呼天既祈祠之偏舉嗟而求雨庶號籲之上聞謹班
綠章冒陳丹悃伏念臣承流亡狀致旱有端戰戰兢兢甘
一身之即譴矣炎赫赫顧千里之何辜或盈澮而復乾或

閣雲而下此念未通於幽顯胡顏可見於吏民輒爲四
邑之生靈上訴九閻之主宰伏願曲垂帝鑒深憫輿情川
澤氣升速覩翻瓠之快田疇水足少沐抱甕之勞

追薦兄子澄青詞

順貞

正統元年丙辰十月日志心皈命三境十方東宮南極陰
陽神祇等言念某托處女流痛念兄族君臣有義嗟職分
之有虧天地不容致宗祧之弗續爰申丹悃敢告蒼穹下
情伏傷先兄太常寺卿子澄黃公二神主原命是前己亥
年十二月二十六日子時生享年四十有四歲不幸於壬
午年六月二十五日在京身故骨殖未收亡兄嫂李氏二

袁州府志

卷三十四

藝文 青詞

九

神主原命生於前丙午年不幸於壬午年間在京身故骨
殖未收伏惟先兄黃公讀聖人之書早登科第授翰林之
職遂擢太常膺寵九重揚名四海惟務盡忠於國豈期獲
罪於天族滅宗親禍連骨肉遺腹有子處京師而弗歸承
嗣無人將第宅而貨易於以薦揚於祖考於以超度於弟
兄特修靈寶之因普度幽冥之苦用是虔辦香楮以今月
日告投命紫微山上真觀道會領法衆來蒞家居修崇靈
寶三朝十回度人演經齋醮一中仰祈道力俯拔親魂事
告地盟天招靈致聖敷禮九幽之懺文洗雪衆亡之罪垢
勅天醫而完形復性命水母以浴質蕩瑕務白孝誠少留

魂瑣微求冥福正薦先兄子澄黃公二神主先兄嫂李氏
二神王附度宗親旁資孤魂伏願矜憫裙釵之愚悃垂憐
兄族之沉魂賃宅宇以修薦拔之因丐宗親以遂超生之
果盡忠報國可憐身死於幽冥以死易生俾獲名垂於竹
帛幽冥普度存沒均沾無任激切屏營之至

回袁州曹守

王炎

榮膺芝檢分守竹符五馬昂來聞說賢侯之撫字雙魚拜
賜首勤君子之撝謙修慶未遑懷慚不敏某官英才秀異
深識疏通剴劇撥煩解數十牛而又無缺折發奸摘伏照
十二乘而珠有輝光持虎節於靈山援魚書於溘浦治聲
袁州府志卷三十四 藝文 啟 十
聞上遺愛在人日邊丙夜之憂欲孚德意江左宜春之興
今號名藩暫領一麾即歸雙闕某聞風惟舊披霧末由魯
柝相聞幸依仁之孔邇卽雲有爛感陳誼之甚高喜愧俱
深編摩莫寫